

宋史藝文志補



宋史藝文志補

倪燦撰
盧文弨訂正

王雲五主編

叢書集成初編

宋史藝文志補

中華民國二十五年六月初版

撰者 倪 燦

訂正者 盧 文 弼

發行人 王 雲 五
上海河南路

印刷所 商 務 印 書 館
上海河南路

發行所 商 務 印 書 館
上海及各埠

嚴

明史藝文志序

歷代史之志藝文也尙矣。以之經緯天地。則足以宏建樹而致治功。以之淑善身心。則足以端秉彝而貞末俗。昔人所云大業崇之。則成欽明之德。匹夫克念。則有王公之重。良非虛也。自孔子刪述以來。六籍始大顯於世。遭秦廢學。若存若亡。漢興掇拾殘缺。周易而外。無復全經。然六藝初不以不完而晦。數千年來。儒者講求精義奧旨。愈久愈出。正如日月在天。雖遭剗觸而不改其光明。未嘗以缺軼而不傳也。支流所及。爲史爲子。下逮騷賦詞章。雖不可與六藝抗行。然皆得道之一端。紀事紀言。則尙書春秋之具體。典章圖志。則職方王會之流亞。卜筮五行。則出於疇範卦爻。厯象經方。則出於烈山軒帝。三百而後。變而爲屈宋漢魏。淹中以下。盛而有度數儀文。雖殊途異軌。而一道同歸。其間亦多宏深奧衍之論。藻雅卓犖之詞。有志聖學者。間亦有取。此經史子集四部所由名已。始劉向爲七略。班固因之而志藝文。王儉阮孝緒爲七志。七錄。魏徵因之而著經籍。四部之名。至唐而始定。曰甲部。經典小學諸書。曰乙部。史家編年紀傳等類。曰丙部。諸子百家在焉。曰丁部。騷賦別集係焉。下逮有宋。亦沿其制。而歷朝列辟。崇文右儒。若兩漢之孝武。孝宣。光武。明。章諸帝。其表表者。乃若成。靈二帝。或遣使求遺書。或詔刊定五經於石。斯非中主。亦足稱焉。其聚書多者。則梁元之江陵十萬卷。隋嘉則殿之正本八萬餘卷。最爲富有。兩更喪亂。存者無幾。唐

武德開元再加哀集復還舊觀。天寶之後湮沒殆盡。元載爲相奏以千錢購書一卷。又命拾遺苗發等括訪江淮。文宗時鄭覃復請搜採。而四庫之書復完。及昭宗播遷。又蕩然無遺矣。宋初三館之書不過萬餘卷。嗣平荆南克李煜。吳越歸命。各有所得。然猶未備。於是募人獻書。來獻者賜以科名。知吏治者卽授以職。太宗以後遂大備焉。於是改建崇文院。著其目錄。讎校勘定。亦如漢代。然古書雖間出。而世祀悠邈。簡帙多亡。存者鮮矣。其後汴京旣破。三館圖籍歸於有金。高宗南渡。搜訪遺闕。臨安之有不減東都。迨伯顏南下。試朱清張瑄海運之議。皆載而之北。故元奎章崇文之積不下於歷朝。其尤可嘉尙者郡邑儒生之著述。多由本路進呈。下翰林看詳。可傳者命江浙行省或所在各路儒學刊行。故何王金許之書多賴以傳。鄱陽馬氏之通考且出於羽流之薦達。其他或命以官或給以祿。亦古今來所未有。蓋自姚樞得趙復江漢之傳。紫陽之學盛行於北。大儒許衡輩挺生其間。故文雅彬郁。度越遼金以前諸代。惜明初修元史者不爲特志。殊足憾焉。明太祖旣克建康。龍鳳丙午卽命有司訪求古今書籍。元都旣定。大將軍徐達盡收奎章崇文祕書圖籍。及太常法服祭器儀象版籍歸之於南。先是洪武初設祕書監丞。仍元制。十三年從吏部之請。罷之。而以其職歸之於翰林典籍。明年以北方自經喪亂。經籍殘缺。命頒四書五經於各學校。又明年諭禮部曰。古先聖賢以教後世。所存者書而已。朕每觀書自覺有益。嘗以諭徐達。達亦好學親儒生。囊書自隨。蓋讀書窮理於日用事物間。自然見理明而所行當。書之有益者此也。今國子監藏板殘

缺其命諸儒考補。工部督修之。至二十四年。再命頒國子監子史等書於北方學校。而帝於洪範有注書傳有選。其他編類諸書尤多。帝初奮起隴畝。未嘗學問。卽位而後。揮毫染翰。聖藻葩流。甲乙之集。流傳人世。雖曰天縱。其資於經籍者。蓋不淺矣。其時典籍皆在南京。迨成祖卽位四年。命禮部遣使購求遺書。及建都北平。命修撰陳循取文淵閣所貯書籍。自一部以至百部之多者。各取其一。置於燕都。連牘匱載而遷之南者。復改而之北。帝武功旣成。頗修文事。命儒臣輯五經四子性理大全。頒之郡邑學宮。以訓生徒。復選天下耆儒宿士釋道之人。輯永樂大典。多至二萬餘卷。蓋欲倣宋太宗太平御覽等三書。然其書龐雜煩重。僅藏奔禁掖。未能如三書之流通也。仁宣二主。世旣承平。文物益盛。宣宗始命楊士奇等輯文淵閣書目。第有篇名而無卷帙姓氏。稱缺略焉。宣德八年。命少傅楊士奇、楊榮於館閣中擇能書數十人。取五經四子及說苑之類。各錄數本。分貯廣寒、清暑二殿及瓊花島。以備觀覽。當是之時。典籍最盛。而通集庫、皇史宬以貯金匱石室之藏者。又不與焉。其後太平旣久。文治益隆。翰林館閣兩京冑監。部署郎曹各有所貯。下至郡邑諸學。鄉士大夫或捐所有。或益所無。雖未能盡括天下之典籍。然亦稱略備矣。宏治中。大學士邱濬言。經籍圖書皆自古帝王精神心術所寓。今世賴之以知古。後世賴之以知今者也。是以自古帝王莫不以是爲重。我朝館閣祕藏。不減前代。然藏書雖多。不無雜亂。積歷年久。不無鼠蠹。經該人衆。不無散失。乞敕內閣臣計議。專委學士及講讀以下官數員。督同典籍等官。將書目一一比較。有無全欠。

分爲經史子集四部。及雜書類書二種。每類若干部。部若干卷。各類總數若干。識校次歲時職官於簡末備考。仍令內閣查查字不典而官府文。見存書有副本者。各分其一。送兩京國子監。并敕南京守備諸臣。會同南禮部翰林院官。查永樂中原畱南內書籍奏知。或止有一本者。將本發國子監。選監生善書者。謄錄。付各堂校對。送兩監掌管。如此。則一書有數本。永無散失矣。其內閣諸書。或有缺本。則行各直省訪求。有者。借官鈔錄。以增未備。疏入。上納之。而究未能行。其後內閣諸書。典司者半係貲郎。於四部之旨。懵如且秩卑品下。館閣之臣。假閱者。往往不歸原帙。值世廟而後。諸主多不好文。不復畱意查覈。內閣之儲。遂缺軼過半。萬歷間。中書舍人張萱始請於閣臣。躬自編類。更著目錄。則視前所錄。十無二三。所增益者。僅近代文集地志。其他唐宋遺編。悉歸子虛烏有。迄乎崇禎之末。大盜移國。鍾虞爲墟。縑緗卷軸。又可知矣。第有明一代以來。君臣崇尚文雅。列聖之著述。內府咸有開板。而一時作者。亦自彬彬。崇正學者。多以濂洛爲宗。尙詞藻者。亦以班揚爲志。迨夫博雅淹通之士。著述尤夥。故其篇帙繁富。遠過前人。雖不無蕪蔓。然亦有可採。前代史志。皆錄古今之書。以其爲中祕所藏。著一代之所有。今文淵之目。旣不可憑。且其書僅及元季。三百年作者缺焉。此亦未足稱紀載也。故特更其例。去前代之陳編。紀一朝之著述。元史旣無藝文。宋志咸淳以後多缺。今竝取二季。以補其後。而附以遼金之僅存者。萃爲一編。列之四部。用傳來茲。諸書旣非官所簿錄。多采之私家。故卷帙或有不詳。要欲使名卿大夫之崇論閎議。文儒學士之勲志苦

心雖不克盡見其書而得窺標目以著一代之盛云爾史官倪燦撰

宋史本有藝文志。咸淳以來。尙多闕略。至遼金元三史。則并不志藝文。本朝康熙年間。議修明史。時史官有欲仿隋書兼五代史志之例而爲之補者。余得其底稿。乃上元倪燦闇公所纂輯也。今俗間傳有溫陵黃虞稷俞邵千頃堂書目本。搜采雖富。而體例似不及倪本之正。近則書目又爲坊賈鈔胥紛亂刪落。更無足觀。今略爲訂正。且合之余友海寧吳騫槎客校本。庶爲完善。亟爲傳之。以補四代史志之闕。具載倪序於首。使後人知其初意如此。宋有志而補之。遼金元本無志。故今所錄。各自爲編云。盧文弨撰。

宋史藝文志補

清 上元倪 燦撰

經部

經之類十有一。一曰易類。二曰書類。三曰詩類。四曰春秋類。五曰三禮類。六曰禮樂書類。凡後代編定之禮及類次樂律七曰孝經類。八曰論語類。九曰孟子類。前代皆入儒家今特爲一類十曰經解類。五經四子總解十一曰小學類。分訓詁書數蒙訓四種

史部

史之類十有八。一曰國史類。朝廷敕編二曰正史類。三曰通史類。通輯列代之史四曰編年類。五曰雜史類。六曰霸史類。七曰史學類。八曰史鈔類。九曰故事類。十曰職官類。十一曰時令類。十二曰食貨類。十三曰儀注類。十四曰政刑類。十五曰傳記類。十六曰地理類。十七曰譜牒類。十八曰簿錄類。

子部

子之類十有三。一曰儒家類。二曰雜家類。前代藝文志列名法諸家後代沿之然寥寥無幾備數而已今削之總附雜家三曰農家類。四曰小說家類。五曰兵書類。六曰天文類。七曰厯數類。八曰五行類。九曰醫方類。十曰雜藝術類。十一曰類書類。十二曰道家類。十三曰釋家類。

集部

集之類八。一曰制誥類。二曰表奏類。三曰騷賦類。四曰別集類。五曰詞曲類。因文獻通考例錄。遵行不廢。三百年來。程士文史類八曰制舉類。自宋熙寧用荆舒之制。以經義取士。其後或用或否。惟明緣通考錄擢。厚擢象之類。錄程式之文。二三種以見一代之制。而二三揚之著者。亦附見焉。

經部

朱元昇三易備遺十卷。字日華。永嘉人。河圖洛書一卷。連山歸藏。周易各三卷。家鉉翁進其書於朝。子士立粹行。

何基周易朱氏本義發揮七卷。繫辭發揮二卷。

胡方平周易啓蒙通釋二卷。一作四卷。外易四卷。號玉齋人。

董楷周易程朱傳義附錄十八卷。一作十卷。圖說一卷。字正叔。臨海人。吏部郎中。

陳普易解二卷。寧德人。

熊禾易學圖傳一卷。

吳震舉易管窺六十卷。筮易七卷。字孟陽。休寧人。

任士林中易。

陳深清全齋讀易編三卷。字子微。吳人。

王申子大易緝說十卷。字巽卿臨邛人。寓居慈利州天門山。著是書。常德路推官田澤奏進。

邱富國周易輯解十卷。易學說約五篇。字行可建安人。瑞陽簽判。

胡一桂周易本義附錄纂疏十四卷。周易啓蒙翼傳四卷。字庭芳。方平子。景定甲子鄉薦。入元不仕。

何夢桂易衍二卷。一作易解。

朱鑑文公易說二十三卷。文公孫。

田疇學易踐徑二十卷。號與齋。華亭人。

咎如愚古易便覽一卷。

羅大經易解十卷。字景倫。吉水人。寶慶二年進士。

右易類十七家。二百十六卷。入胡一桂一家。舊尚有五家。案李過方回張應珍李簡皆入元。壘坊乃明人。豐坊之誤。故不入。

陳大猷書傳會通十一卷。書集說或問二卷。東陽人。

薛季宣書古文訓十六卷。字士龍。永嘉人。

王應麟尚書草木鳥獸譜。集解周書王會篇一卷。

陳普書傳補遺。

熊禾尚書口義三十卷。

毛晃禹貢指南一卷。

右書類六家六十一卷。

段昌武叢桂毛詩集解三十卷。字子武廬陵人。

陳煥詩傳微。一作微。字時可豐城人。兩與漕薦入元不仕。

陳深清全齋讀詩編。

趙德詩辨疑七卷。一作十卷。宗室入元隱居豫章附朱倬詩疑問後者止一卷其撮要此則全編也。

曹粹中放齋詩說十卷。

朱鑑詩傳遺說六卷。一名朱氏詩說補遺。

胡一桂詩傳纂疏附錄八卷。

李樗黃樞毛詩集解三十六卷。樗字實若林閩縣人。

王應麟詩辨。

毛直方詩學大成。字靜可建安人咸淳中薦舉入元不仕見尚友錄。

右詩類十家九十七卷。舊有逸齋補傳二十二卷經義攷謂卽宋志范處義之通志堂梓本亦三十卷此不錄入。

趙鵬飛木訥先生春秋經筌十六卷。字企明左縣人。

家鉉翁春秋集傳詳說三十卷。綱領一卷。

陳則通鐵山先生春秋提綱十卷。

陳深清全齋讀春秋編十二卷。

王申子春秋類傳。

林堯叟春秋左傳句解七十卷。字唐翁

程公說左氏始終三十卷。春秋比事十卷。

晏兼善春秋透天關十二卷。

吳思齊左傳缺疑。

熊禾春秋論考。

朱申春秋左傳節解三十五卷。

呂大圭春秋五論一卷。同安人。淳熙進士。知漳州軍。滿壽庚降。元脅署降表。不從。見殺。

句龍傳春秋三傳分國紀事本末。字明甫。嘉定州人。

徐晉卿春秋經傳類對賦一卷。試祕書省校書郎。

右春秋類十四家。二百二十八卷。

葉時禮經會元四卷

朱申周禮句解十二卷

林希逸考工記圖解四卷今梓本無圖止二卷

朱申禮記詳解十卷

鄭樸翁禮記正義一卷

陳煥禮記釋字時可豐城人

方慤禮記解桐廬人書成獻之朝頒行

黎立武中庸指歸一卷 提綱一卷 大學發微一卷

提綱一卷字以常新喻人咸淳進士

王奎文中庸發明一卷

馬端臨大學集傳

熊禾大學口義 大學廣義 三禮考異

右三禮類十一家三十六卷

車垓內外服制通釋九卷字經臣天台人

歐陽士秀律通二卷宜春人凡二十篇

右禮樂書類二家十一卷。

朱申孝經句解一卷。

右孝經類一家一卷。

蔡節論語集說十卷。淳祐五年表進

石洞紀聞十卷。內閣書目云：元泰定間人不知姓氏，釋論語義，案宋饒魯嘗建石洞書院，著有語孟紀聞，與其門人史詠自享相問答，當卽此書。

右論語類二家二十卷。去趙順孫入元，從元失名一家。

蔡謨孟子集疏十四卷。

施德操孟子發題一卷。

熙時子注孟子外書四篇。稱馬廷鸞序，謂熙時子卽劉攽，實假託也。

右孟子類三家十九卷。

葉時對制談經十三卷。杜涇纂

陳埴潛室木鍾集十一卷。

黃淵四書六經講稿六卷。字天叟，莆田人，初名仲元，字善甫，宋亡乃更今名。

曹涇講義四卷。字清甫，歙人，官昌化簿，入元不仕。

宋史藝文志補

梅寬夫裕堂講義一卷。括著人易詩論孟學庸講義。

馬廷鸞六經集傳。

張惟政編次四經。晦庵孝經刊誤臣禮西山心經政經。

六經奧論六卷。舊以爲鄭樵著非。

莆陽二鄭六經雅言圖辨十卷。一作四卷。

錢時融堂四書管見十三卷。

真德秀四書集編二十六卷。

陳普四書集解。

熊禾四書標題。

鄭樸翁四書要指二十卷。字宗仁溫州平陽人。

張靈松四書朱陸會同注釋二十九卷。舉要一卷。貴溪人。

祝泳四書集注附錄十一冊。祝穆子程元鳳進其書授興化軍涵江書院山長。

右經解類十六家一百五十一卷。

毛晃禮部韻略五卷。